

مُشَارِقَاتُ

۱۳۲۶

درسمادنده باب عالی جاده سنده
اداره مخصوصه
محل اداره :

انجمن :
مسکمره موافق آثار جدید مع المصنوعه
قبول اوانور
درج ابدلین آثار احاده اولغاز

دین، فلسفه، ادبیات، حقوق و علوم دین باحث هفته لاق رساله در

درسمادنده نسخہ سی ۵۰ پاره در

قیرلہ دن مقوا بورو ایلہ کوندریلیرسه سنوی
۲۰ فروش فضله آلنیر

درسمادنده پوسته ایلہ کوندریلیرسه ولایات بدلی اخذ اولنور.

مؤسسلری : ابوالعلا زین المابدین - ح . اشرف ادیب

سنه لکی	القی آیانی	درسمادنده
۶۵	۳۰	ولا یاتده
۸۰	۴۰	مملک اجنبیه ده
۸۰	۴۰	

تاریخ تاسیسی :
۱۱ محوز ۳۲۴

ایکنجی جلد

۴ صفر ۳۲۷ پنجشنبه ۱۲ شباط ۳۲۴

عدد : ۲۷

فردی بود که حیاتی قید ایتسون، یا خود نظر نده. بقا ایله عدم مساوی کورونسون.

حیاتی سومك، هر شیئه ترجیح ایتك، هر صورتله مدافعه ده بولنق، اونك اسباب اطمینانی، راحتنی آراشدیرمق انسان ایچون جبیلدر؛ بشر بوفطرتده یاراداشدر. یا انسان کندی اصلی بولمز، دهاطوغروسی بوتون موجوداتک اصلنه، ماهیته قارشنی کشیف برجهل ایچنده بولونورسه بومقصدی نصل استحصال ایده ییلیر؟ قابی نصل راحت بولور، خاطری نصل سکون کورور که دها کندی نکل نه اولدیغنی نرمدن کلدیکنی، نرمه کیده جکنی ییلیر؟ هانکی قورقاق وارد که نفسنه کلنجه اهتمام ایتسون؟ هانکی حسدن محروم وارد که ایش حیاته طایانجه درحال کندینی طویلامسون؟ کندینی محیط اولان اجسامی ییلدیکی ایچون یانوب یا قیلان، اطرافنده کی سرأر خلقتی یوکسک بر موقعدن تماشای املیه جسمانیتنیدن تجرد ایتك درجه لینه واران انسانک حالی نه اولمق ایجاب ایدر دوشونولسون که اصل الاصولدن، حقیقه الحقائقدن بی خبر بولونیور؟

اوت، واقعا انسانلر آره سنده او یله لری وار که کندی لینه بویله برحس کلدیکی زمان مفکره لرینی باشقه شیلرله او یلا یه رق اونی ذهنلرندن چیقارلر. لکن همیز ییلیرز که بوقیلدن اولان آدم لر عمرلری ایچنده هجوم آلام ایله حیاتلرینی محو اولمق درجه سینه کتیرن زمانلر بولندیغنی هر کس دن اول اعتراف ایدنلردر. او بحرانی زمانلر ایسه برکون کله رکه کندی نفسلرندن بیله ییزار اوله جقلرینی، انسانه طوبراق اولوبده روزگار لری، قاصیرغله رکه اوکنده صاورولمسنی تنی ایتدیره جک قدر شدید بروجدان عذاب ایچنده قاله جقلرینی دوشوندک لری ساعتلردر. عجیبا پتیرستك اصنام اوکنده سجده ایتکدن مرادی، دینسزك فنای موجودیتی حقنده بر چوق دلائل کنیرمکدن مقصودی ندر؟ هایدی دیه لم که اولکیسی بوعالمده کی شدائد بی نهایه دن آسوده قالسی ایچون اله بمجمله دخالت ایدیور؛ یا ایکنجی سینه نه اولیور؟ عجیبا اوکا صفای حیاتی تعقیب ایدن ظلام عدمی آسان کوره جک قدر براعتدال خاطر، برصلا بت قلب ویرلشمیدر؟ هیسات ا حقیقه قسم ایدرم که الحادیاتی بازارکن اولمچدک ایچندن قان کیدیور؛ کمال تأثرندن روحی اریور! حتی اونی تفلسفده بوقدر تکلف اختیارینه مجبور ایدن سائق سهام شهباتک هپ قلبنده آچدیغنی یاره لر در، باشقه برشی دکلدر.

ایشته بونلرک شو صوک زمانلرده استحضار ارواح «اسپریتیزم» مسائلنه قارشنی — بز شرقلیلری حیرتده براقه جق صورتده — کوستردک لری تهالکده دعوا مزه بر دلیدر. شبهه سز بونلر کونده بیک کره کندی لرینی اولدورمکده اولان شکوک وشهباندن قورتولمق

ایچون برمنفذ کوردیلدره مادیونک تلقینات الحادیه سی یوزندن آجیلان جرجه لری مشاهدات حسیه لر یله مداوات ایچون هر طرفدن اومنفذه طوغرو هجومه باشلا دیلر.

سرد ایلدی کمز سوزلردن آکلاشیلیور که مسئله لاهوتیه بوتون مسائلک زبده سی، بوتون مشکلاتک نقطه انحلالیدر. اونی حل ایدن سعادت سرمدی یه مظهر اولور، هر کدردن قورتوله رق هم کندینی هم ده اولادینی بختیار ایدر. اونی غائب ایدن شرف بقادن محروم قالیر؛ سهام شدائد هدف اوله رق دنیا ده آلام ایچنده یاشار؛ عالمدن مأیوس کیدر.

اوت، بواویله بر مسئله درکه بک اسکی زمانلردن بری بوتون حکمای عالمی اشغال ایتش؛ بوکونه کلنجیه قدر ارباب عقولک مشغله ییکانه سی اولمقدن کری طور مامشدر. مع مافیه فکر بشر ترقی ایتدیکه مسئله نکل صور حلنجیه بر چوق تبدیلات اجرا ایدلش، دلائل و براهینی تعدیل اولمش، محاکمه یه دها زیاده حریت ویرلش اولدیغدن آرتق سهولت استدلال جهتیه بونکده مسائل ریاضیه صره سینه کچمسنه آز قالمشدر. بوا یسه بشریتک ففضای ترقیده آتدینی آدیملرک اک بویوکیدر که اون طقوزنجی عصرک مخصوصات ممیزه سننددر. بونک ایچون بزده ابنای ملتی ترقیات فکریه حاضر مکل نساخنیدن بیکانه براقامق ایتدک، مقصدمیز چوق دفعه لرتکرار ایدوب طور دیغمز شوسوزک طوغریلغنی براهین حیه ایله کوسترمکدر؛ بشرک ترقیات علیه ساحه سنده آتمقده اولدیغنی هر خطوه بزم فطری اولان دینزه برتقیدر. ایش نهایت اورایه وارده جقدر که اسلامک الهی بر دین اولدیغنی بوتون عالم طرفندن اقرار ایدیه جکدر.

مترجمی: محمد هاکف

مُعَاظَاتُ

مقررى
مناسقرلى اسماعیل حق
محررى
ح. اشرف ادیب
۵۲ درس — مابعد

مثلا: کچلدره بالقسانی طومتق عهداً حقمز ایدی. بلغارستانه روم ایلل شرقی آراسنی آیرمق بزه عاندایدی. اوروپا دولتلری ده موافقت ایتدیلر. محافظه حقوق دولت و ملت ایچون برطاقم کیمسه لر چالیشدی، غازی عثمان پاشا کبی ارباب حیت ابراز مساعی ایلدیلر. لکن اوله مدی. ارکان استبداد: — آدم ... نه مزه لازم اوراسی؟ دیدیلر؛ استانبول قالسون بزه یتر! .. روم ایلل شرقی کیتش، نه مزه کرک؟

ذاتاً طوغرودن طوغرویه آوانس کلیور . بنم منفتمه خدمت ابتدکن
صوکرا ...

بوفکرلی آدم لر غلبه ایندی . صوکرا بلغارستانه جرأت کلدی . نه
یابارسکنز؟ خائنک . احتمال باره ده ایشک ایچنه کیردی . اوولایتده بلغارستانه
قاریشدی . هپسی بر اولدی . مقدما آیری والی کوندریلیردی . اما
خرستیان والی ایتمش اولسون . برناموسلی بولنوردی . چالیشانلر
اولدی . لکن فائده ویرمدی ، قوجه ولایت محو اولدی ، کنددی .
آیدینک بر قاج قات فوقده . بوقدر حقوق اسلامییه بیکلرجه جامعلر
تکیه لر محو اولدی . دشمن ده ایلری بیله کتیمکه باشلادی . نهایت
بویه ره سیه کلدی . نه اوله جغی ده بللی دکل .

باق قرآنک اعجازنی آکلا . ایکی کله ایله نه قدر حقایق اورته یه
قویور . [وانفقوا فی بیل الله ولانلقوا بایدیکم الی التهلكة] مالکزی
باقک ، قدر تکیزی تدقیق ایدک؟ اوکا کوره حرکت ایدک . خربه لزوم
کورو نیورسه چکیمک . مسکینانه ، ذلیلانه یاشامقدن ایسه محاربه ایدک .
تهلکه او وقت تکلسلده در . « واتقوا قننه » قول شریفنک تفسیریه
برلشیر ... اما قوتک یوق . خصمه غلبه احتمالی جوق . او وقت
کندکزی تهلکه یه آتیمک . فرصت بکله یک . یوقسه بی محابا حقوق
اسلامیه بی محو ایدمک تدبیر فاسده قالمشیمک . اسلحه جه ، ندارکاتجه
مادامک فرسخ فرسخ کریده سکز ، اوکا کوره ایشی حله تشبث ایدیکنز .
مذاکره ایله ، قونفره ایله هر نه ایسه مسالتمه ، حسن صورته ایشی بولنه
قویمنه چالیشک . اوله دکل ؟ سکا یناشمایور ، نه یاه جفسک ؟ قاوغامی
ایتملی ؟ نیچین ایدمک ؟ حکم اصولی یوقی ؟ اوکا مزاجمت ایتملی .

قرآن جلیلده بو حکم اصولی بردستور اعظم اوله رق بزی ایفاظ
وارشاد ایدیور . هر شیده بو حکم اصولی توصیه بیورولیور . مثلاً
قاری ایله قوجه آراسنده قاوغا اولور . بردنبه نه قاری قاجسون
باباسنک اوینه ، نه حراف بوشاسون . هرا یکی طرفدن بر حکم تعین
اولسون ، اونلر بونلرک بینلرینی بولمغه چالیشسونلر . بی محابا حاکم
تفریق ایتسون . حقوق زوجیت مقدسدر . طلاق کی منفور ،
مبغوض هیچ بر مباح یوقدر . (انقض المباح عندالله ، الطلاق) حرام
دکل ، کفر دکل . لیکن مکروهک اشدی . مباحات ایچنده اک مبغوض
برشی طلاق در . اوزلا شتق قابل ایکن نکاح ایله حاصل رابطینی
سوکمک ، الفتی نفرته تبدیل ایتمک ... ولوایکی شخص یشنده اولسون .
نه قدر فنا شی در ، اوننی یا یماق ایچون الله حکملر نصیبی امر ایدیور :
« وان خفتم شقاق بینهما فایمسا فایمسا حکماً من اهله و حکماً من اهلها »
بیوریور . صوکرا بویه حیات ، ممات مسئله سنده بالا پروازانه حرکت
اوانیوسه چالز نه اولور ؟ دنیاده دکل ، آخرنده بیله چکرز . امتک
سلامتی دوشونولی .

ایشته حکم اصولی بک ابی بر اصول در . بوکون ، الله تعالی اسبابی
خلق ایتمش . ترکبا حقنده عالمده هیچ بر زمان کورولمه مش بر توجه
وار . دشمنلر من بوندن متأذی اولورلر . بزم طرفردن اعلان حرب کی
مناسبتسز برحاله ، چیمماز بر یوله بزی صایدیرمق ، دوشورمک ایسته یورلرک
صوکرا : « ایشه کوردیکزمی ؟ ترکر انسانیت یلر ، اسکی خونی
براقاز » دیسونلر . حالبوکه اوروپا ک اکثریسی ، برایکی دولت مستتبا
اولورسه هان هپسی لهمزده در . ایچلرنده یالکز بلغارستان امارتی
ایله آوستریا ظالمانه ، بی انصافانه حرکت ایدیورلر . اوتکیلر سلامت
فکر ایله دوشونورلر .

شیمدی اوروپاده اوله اسکی زمانکی جهالت یوق . اونلر اوله
اهل اسلامی هیچ یلزلردی . اونک ایچون بزی انسان یرینه قویمازلردی .
صوکرا مناسبات عمومیه قوتلشدی . آثار اسلامییه کوزدن کچیریلدی .
اکلا شیلدی که اسلاملرک سوز اکلا یانلری قدر انسان دنیاده بوق .
الرنده کی شریعت ، حقوقی محافظه ایدر ، اعتدال اوزره حرکتی امر
ایدر . اللهک فرماننه اطاعت ایدن مسلمان کامل قدر دنیاده انسان بولمق
قابل دکل ، بوکا امکان یوق . اما ایچلرنده بر طاقم جاهلر ، وحشیلر
یوق دکل . ذاتاً هر ملتده بویه لر ی بولور . تجاوزکارانه حرکت ایدن
کیمسه لر ، مفسدلر علی الاکثر بک ایلری کیدن طبقه ده بولور ، یعنی
مأمورین صنفده . اونلر احکام اسلامییه اوسط اولانلر کی تمسک
ایتمورلر ، کیمسی هیچ یللدیکندن ، کیمسی سومدیکندن ، کیمسی ده اعتنا
ایتمدیکندن او احکام مجله یه رعایت ایتمورلر . حقوق اسلامییه
محافظه یه بزم اوزولدیکمز قدر اوزلیورلر . بزم صداقتز اونلرده
کورلیور . اما ایچلرنده مستتالری ده یوق دکل . ایلری ده وار . فقط
بک آز . بویه می اولمی ؟ نه قدر حسن نیت ، نه قدر فعالیت ایستره کرک محافظه
اسایش ایچون ، کرک تنظیم بلده ایچون دشمنلره حیرت ویره جک درجه ده
فعالیت لازم . حالبوکه نه محافظه اسایش ایچون تدابیر فوق العاده ،
نه تربیبات بلدییه ایچون ، حفظ صحت ایچون ، حفظ صحت عمومیه ایچون
لازم کلن تدابیر مهمه اتخاذ اولونمایور . یاییلسه ده بک بطاشته کیدیور .
بوندن طولانی توجهلر تر ایدایده میور ، بلکه تناقص ایدیور . بو کیدیشله
اجانب ، بزی اسکی حاله قیاس ایتمک ایسته یورلر . بوجهلری دوشوندکجه
انسانه خلجان کلیور .

— اما بویه بش پاره سز زوکورت ملته فصل خدمت یاییله بیلیر ؟
واقما اوله ، بوکون ملتک پاره سی یوق ، خائنلر بترمشلر ، جبار
استبداد بتون خزینه یی صومیشلر ؛ فقط بویه یایمشلر دییه شمدی
مأمورلر اللرنی قاووشدیروب اوطورملی می ؟ چالیشلی ، دوشونوب
برچاره سفی بولمی . درلودرلو ایشلرواره اوله ییلنلردن باشلاملی . اوله

مفسد دل طرفدن مرتب دكلسه ، بردها تكرر ايتمز . فقط يامرتب ايسه نه يايلى ؟ حكومت ، ملت دائماً اويانيق بولغلى ، عسكرى حاضر طوتلى . يوقسه ظهور ايدم جك وقعه يه سكر ساعت صوكر ايسكر كوندركله اولماز .

صوكر نه بيورويور؟ دوشونك، ايجه ملاحظه ايدك. غافل اولمايك، باقك : نه ايديكز، نه اريديكز . اول نه ايديكز، شيمدى نه حاله كلديكز . بونى بندن باشقه كيم نابار ؟ [واذكروا] اي مؤمنلر ياد ايديكز اول زمانى كه [اذا تم قتل مستضعفون في الارض] بك آرزو كيمسه لرديكز . ير يوزنده ضايف عد اولونيورديكز . بوراسى سزك يورديكز صايلمايور . ضعفكزدن طولاني سزى يباحجى صايلمايور ، مهاجر عد ايدمايورلدى . اوبله بر زمرة قذيله ايديكز . سزه قارنى هر كسك نظرى بويله اولورسه صوكر سز نه حاله ياشارديكز ؟ [تخافون] فصل ، قورقازميديكز ؟ كچه كوندوز خلعجان چكرديكز ، خوف و خلعجان ايچنده يشارديكز . نهدن قورقارديكز ؟ [ان تخطفكم الناس] ناس ، يعنى ملل ساره ، اقوام متعدد سزى همان قاه جقلىر ... كچه كوندوز قورقوكز اويدى . دائماً خلعجان كچيرديكز . ها صاغدن كله جك ، ها صولدن كله جك ، ديه دائماً احتراز اوزره بولونورديكز . ناسك شرندين ، استيلاسندين مطمن ياشايه مازديكز ، صوكر نه اولدى ؟ [فاويكم] الله سزى ايو ايتدى ، سزه ماوا ويردى ، سزى بر ايشيدى ، مالكا صاحي ايتدى . [وايدكم بنصره] نصرت الهيه سيله تايد بيوردى . عقلكزه كلين بر طرفدن ، مأمولك غيري بر جهندن سزى الله تايد ايتدى ؛ دوستله ، دشمنله . الله فصل ايسترسه اوبله ييار . سزه بيوك بر اهميت ويردى . صوكر نه يايه جق دنا ؟ [ورزقكم من الطيبات] الله رحمت واسعة الهيه سيله سزى انواع طيباتدن مرزوق ايدمايور . طيب شيلره سزى بسليه جك . طيب اولمايان شيلرى سزه لايق كورمه جك . نهيت المالدن چالديره جق ، نه محلولاتى يوتديره جق طيباتدن مرزوق ايدمايور ؛ حلال ، باك شيلردن نصيب ايدمايور .

نچون بويله يايور ؟ [لعلكم تشكرون] . باشقه بر شى ايسته من سزدن . يايكز بونعمتلىنه تشكر ايدم سكر . نعمتى ويرمه دن حكمت بودر . الله نه قدر نعمت احسان ايدرسه ايتسون باشقه درلو مقابله بكلمز . ايستديكى يالكز اودر : اللهم اهدني الصراط المستقيم .

شكر يالكز لسان ايله اولماز . تفسير فالحه نك بش طرفنده يازدق . يالكز تشكر ايدرم ، ديمكله اولماز . شكر اوج شيله تمام اولور : قلباً و لساناً ، فعلاً . اولاً نعمتك منعمدن اولديغى سئللى . نعمتك صاحبي بيلمك ، تعظيم ايتك ، كوكلدن سومك . اللهم انعمنا من عظم اولديغى بيلمك ، اللهم اهدنا من حقيق . اللهم اهدنا من عظم

شو مبارك حسن نيت اولملى ده هر شى يولنه كير . پارسى ياييله جق شيلرده وار . قهر ايله ، شدت ايله معامله ايديله جك يرلر اولدينى كى لطف و ملايمتله حركت اوله جق يرلرده وار . قلعج لازم اولان يرده اوقشامق فائده سز اولدينى كى ، اوقشايه جق يرده قلعجده مضر در . هر شى لي يرنده اجرا اولونملى .

— اما بوندن هر كس نمون اولماز ؟ ..

اوه طيبى در . هر كسى نمون ايتك قابل دكل . فقط هر كسى نمون ايدم ديه استبدادى ده تروج ايدم جك دكازيا . انسانلرك اكنزيسى خيري دوشونمايور ، آرزو ايتورلرك هر كس نمون اولسون . ايچاينده اوبله بش اون كيشى فدا اولنور ، ميليونلرجه افراد ايتك اوغورينه ... بوجازدر . حكمة ده بويله ، شريفة ده بويله در . بر قاج كيشى به مرحمت ايدم ، ديه اجرا آنده نكاسل ايدرسه ك قوجه يلى محو ايدرز . بزه بوصره ده چوق دقت لازم ، فرق العاده فعاليت لازم . زيرا تماماً اسايش ، انضباط يوق . هيچ بر شيدم اثر صلاح كورليور . محاكم اسكى طرزنده طوزيور . اولوركه لهمزده بر قاج دولت قلمش ايكن ، اولورده ايلريده توجهنى چكويررسه حقمزده ابي اولماز ، ظن ايدرم . مادامكه كندى قوتزله ايش يايغه قدرتمز يوق ، خصوصاتك كافه مندم معاونت ايسترز ؛ او حاله بارى بزه دوستلق ايدنلرك قدرتي بيلهلم .

ايشته قرآن حكمت بيان بويله ديور . هر آنى بزم سلاطنرايچون بردستور اعظم در . عالمده نه قدر وقايع ، حادثات ، شئونات وارسه جمله نه قابل تطبيق در .

[واتقوا فتنه] نظم شريفى تفسيرنده ارباب تفسيردها نه بيورليورلر ؛ قتللر نه دن چيقور ، ديورلر ؟ نهدن چيقه جق ؟ اخلاقسترفدن ... بونلرك چوغى دشمنلر طرفندن مرتب در . بونده هيچ شيله يوق . مسلمانلرى روملرله مقابله طوتوشديرمق ايستلر . كچن كونكى بشكطاش وقعه سى كى . معاذ الله ، هيچان نعم ايتسه نه قدر فنا اولوردى . ذاتاً اوقادين بر فاحشه ايتش . اوبله بر فاحشه دن طولاني دولتك باشته فلاكت كتيرمك لايقى ؟ باشقه دولته اولورسه ، آسايشى اخلاص ايدم جك ديه ، بويله لرى در عقب اعدام اولنور . باشقه دولته اولورسه كيمه نك اوينه كيريلز ، دكل كه ضابطه محله كيرلسون . اوراسى محافظه آسايش ايچون مأمورلرك اقامتگاهى ، اونلرك مقرى در . اوزايه ايتك ايدلر ؟ مسئله مهم ، على العاده بر آدم اولدورمكه بكنه منزه . بويله اژاډل سرازدها فرصت بولسلر بر كلسايى ده بلاصه جقلىر . صوكر همان اجنبيلر كله جك . آل سكاراداره عرفيه . نهايت ملكت محو و خراب اوله جق . بويله سوء تدبيرلر ، جاهلانه جرئتلىر باعث اضحلال اولور ، اكر بعض

و جلالی بیلیمک، اعتراف ایتیمک، عشق و شوق ایله درگاهنه متوجه اولمق ... تشکر اوله اولور. صوکرالسانا الحمد لله، دیرسک. اوامری ایفایدرسک، نماز قیلارسک، اوروج طوتارسک ... ایشته شکر بودر. هر نعمتک شکری اونمته کورهدر.

شیمدی، طویدیکز: بو آیی، آکلا یلم. سبب نزولی وار. اصل معنای شریفی، نزوله نظراً، باشقه در. فقط هر شیئه تطبیق اولنور. «بجزه اصل اوراده در. بر مسئله ایچون نازل اولان آیت یوز بیکلرجه حادثانه تطبیق اولنور. بویه برکلام علوی نروده بولنور؟ بوراده، تفاسیر شریفده مذکور ایکی معنای شریف وار. بریسی: الله تعالی قوم عربیه خطاب ایدر. مؤمن اولسون، کافر اولسون، خطاب بتون اقوام عربیه در. بیوریورکه: [واذکروا اذاتم قلیل مستضعفون فی الارض ...] احوال عرب حقیقه قبل الاسلام بویه ایدی. او قدر سقائنه دوچار اولمشلر، او قدر ذلته محکوم اولمشلردی که روملره خراجگذار ایدیلر. عرب رئیسلی غضب و غارتله بربرلینی محو ایدرلر. نه اخلاق قالمش، نه انسانلق. بر رادیه کلشکه محو اولملری ایچون اطرافدن بر هجومه باقاردی. اعدانک آغزینه برلقمه اوله جقلردی. صوکرالسلطان انبیا کلدی، سلامت قبولینی آچدیله، قیصر روم شامه قدر کلشدی. (حوران) دیارینی - که نام قدیمی (بصره) دریاواش یاواش زیر اداره سنه آلیوردی. قوم عربی خراجه کلشدی. ذاتاً هیچ برحس عالی اولنرده قالماشدی. غضب و غارتله بربرینی محو ایدرلردی. بر طرفدن اکاسره، عجم قراللی، دیگر طرفدن قیصر روم تسلط ایتشیدی. حاکمیتلری نه یمن دیارنده قالمش، نه نجد دیارنده. ظاهراً تصرف ایدرلر؛ لکن نه فائده؟ مصر خدیوی کی. یالکز بر قورقواق، تصرف می او؟ عرب مشایخی ده اوله ایدی.

صوکرالربکزه نه یادی؟ حضرت محمد مصطفایی سزه بهت ایتدی. نصرته مؤید قیلدی. نه قیاصره قالدی، نه اکاسره. هپسی دین اسلامه قارشى مهوت قالدیلر. عربلرک نه قدر مقدس برقوم اولدیغنی اکلاملی، کرک عصر سعادتده، کرک خلفا دورنده دینه خدمت ایتدیلر. بونجه نام و شانلر احراز ایتدیلر. قوم جلیل عرب بدایه دین مبینه خدمت ایتدیلر. حققرینی یتلی یز، اعتراف ایتلی یز. کرچه بزمده آباء واجدادمن جوق خدمتده بولوندیلر، فقط اونلرک خدمتی بک بیوکدر.

لکن صوکرالربلر بیننه تفرقه دوشدی. اندلس محو اولدی. شام طرفلرنده هیچ نفوذلری قالمادی. بغدادده حکومت باشقه سننده، برکاتکه صوکرالربلر یتشیدی. شرق و غربیه اول درجه «الصله» او قودیلر، احکام دین مبینه اول قدر جدی رعایت ایتدیلرکه شان

و شهرتلی عالمده مثل اولدی. واقعا اکثر حکامه لرده ترکریالکزدکل ایدی، او صروده یینه قوم عربک معاوتی واردی. نه عرب، نه ترک هیچ بروقت مستقلاً رایش یابه میورلر. عربله ترک او قدر قانسامش، یتلرنده او قدر ارتباط مادی و معنوی حاصل اولمشدرکه الله طرفانی کی برحاله کلشدر. آری یاشایه مایز. نه ترکلر عربلر، نه عربلر ترکلر. اصل لسانلر لسان عثمانی ایسه ده لسان دینرده لسان عربی در. عربجه هر لساندن ده اهرتلی در. فرانسزجه دن زیاده یزه عربجه لازم در. اما فرانسزجه ده یتلی یز. لکن تعمیم ایتیمکه کلجه، «عربجه بی می ترجیح ایتلی فرانسزجه بی می؟» دیه دوشونولورسه ادبی مرتبه تمیزی اولان فوائد سیاسی دوشون عربجه بی ترجیح ایدمجه کی بی اشتباهدر. بولسان مبارک دینمزه دیارار، الفت و معاشرتی ده تأمین ایدر. سیاست، دیانته ده اهمیتی آشکاردر. فقط تقدیر ایدن کیم؟ تأسف اولنه حق احوالمرک بری ده بودر.

ایشته بر معنای شریف بودر. ایکنجی معنای شریف: بوراده مخاطب کیمدر؟ بالخاصه قوم قریش! [لایلاف قریش] یوقی، یعنی سوره قریش، اقدمزلر قبیله سی، مکه اهالی سی و جوارنده بولونان. ایشته بوقوم قریشه خطابدر. زیرا قریش سائر قبائله قارشى طور، مارلردی. چونکه جزیره العربده بر میلیون نفوس وار ایدیسسه انجق الی بیکی قریش ایدی. فقط الله قدرته باقی: سلطان انبیا اولسله دن کله جک. اونلر بیت الی محافظه ایدرلر، نسل پاک خلیلدن کلشلر. اورایه اوتهدنبری انبیا ناک دعایى سینش. اوراسی سرکر نور اسلامیت اوله جق. الله الهام ایتش، معنوی برحمت و یرمش؛ بتون اقوام عرب قریشلری محترم طوتار. بربرلینی قیدار دو کرکن قریشلر نرودن کچه لر سربست کچرلر، اونلره کیمسه تعرض ایتزدی. باقی الله عنایت! [لایلاف قریش] اولاجناب الله قدرت قهارانه سیله کعبه معظمه بی بیقیمق ایچون کلن اصحاب قبلی هلاک ایتدی. اوزرلرینه ابابیل قوشلری کوندردی. وقعه تاریخیه معلوم در. بیانته دار برسوره نازل اولمشدر. استعذبالله [الم تر] سن کورمدکی ...؟ یعنی کوزله کورده جک قدر تحقیق ایتدی. عیناً مشاهده ایتش کی یقینک واردر. آنک ایچون بیوریور: [الم تر کیف فعل ربک باصحاب الفیل؟] کورمدکی، یاخود علمک لاحق اولمادی، یتلر میسکر؟ ربک اصحاب فیه نه یادی؟ کعبه بی بیقیمق ایچون کلشکرکن، الله اونلری نصل سرنکون ایتدی؟ نصل که آخر سوره ده بیوریور. [فعلهم کصف ما کول] اونلری باشاقلری یتش، کوکاری قالمش اکین کی ایتشدر.

مابعدی وار

ابوالعلا

هلال مطبعه سی